

Denzdungh: Ranzmbanj Makgai “Fungcingz” Gyaeu

田东：芒乡“风情”美



Swhlinz Yangjnganz Cietfwenleux, Sozliengz Bwzlingz Hawfwen, Siengzcouh Lingjnanz Sanghlij Fuksaenz Vwnzvacez, Yihi Caetleix Caijcaz Vwnzvacez…….Daj ndwensam daeuj, Denzdungh Yen minzsuz hozdung lumj va seizcin nei doxcienj angjhai, gyaeujmbanj gyaeujgai, minzsuz fungcingz hozdung lai cungj lai yiengh, gizgiz nauhyied dangqmaz.

Geij bi neix daeuj, Denzdungh Yenveij, Cwngfuj gyagiengz gij hong vatgud, baujhoh, ciepcienz caeuq leihyungh minzsuz vwnzva, yungh sim dajcaux minzsuz hozdung, fungfouq ginzung cingsaenz vwnzva swnghhoz, ndaej daengz ginzung haenhndei, hix coicaenh le minzsuz vwnzva fanzyungz fazcanj.

(Veiz Vwnzmung)



▲ Singfwen goksagsag, eu bak bi mbouj mbwa.

◀ Dwk lwggayangq, angq dangqmaz.

► Buen oij doxdax haeng dangqmaz.



Soengq Gyaez Hawj Daxmeh

送给妈妈的爱

5 nyied 11 hauh, dwg cietdaxmeh. Gak dieg lwgnyez cungj aeu gak cungj fuengsik daeuj docih daxmeh swhgeij, dawz gij gyaez swhgeij soengq hawj daxmeh.

Lungzswng Gak Cuz Swciyen Swsuij Yangh Sanhse Cunh, dahlwg Myauzcuz Yangz Gijgenh caeuxcaeux couh hwnqcong, ndaej bohlongz doxbueng, de daj ndaw mbanj naengh ci daengz ndaw yienh, caiq daj ndaw yienh naengh ci daengz Gveilinz Si, bae Gveilinz Si Yinzminz Yihiyen yawj daxboh daxmeh de, daxboh daxmeh de youq yihiyen ywbingh. Aenvih ngoenzneix dwg cietdaxmeh, Yangz Gijgenh youq ndaw diemqva ndaw yienh cawx ndaej duj vameizgvei ndeu daiq bae yihiyen soengq hawj daxmeh.

Youq Nanzningz Si, 5 nyied 10 hauh, haujlai lwgnyez comzyouq Cinghsiu Gih Gveilinz Yinzhangz fuzvudenj, daihgya gag doengh fwngz guh hohgaj soengq hawj daxmeh, biujdap gij sim'eiq gyaez daxmeh swhgeij haenx.

(Luz Boh'an Hoz Cwngz)



▲ Yangz Gijgenh soengq dujva daengz yihiyen hawj daxmeh.



▲ Dahlwg baijyienh mbaw hohgaj gag guh soengq hawj daxmeh haenx.

Cingsih: “Vuenyungz Najriu” Fuzvu Sawj Ginzung Najriu

靖西：“幸福微笑”服务让群众微笑



Mboengqneix, Cingsih Yen Gojloz Yangh giethab dangj ginzung lusen gyauyuz sizcenj hozdung, haeujlaeg gaihcanj giva senglw “vuenyungz najriu” fuzvu hozdung. Gyoengq gunghocz yinzyenz haeuj mbanj bae senhconz giva senglw cwngcwz, mienxngaenz bang ginzung dijgenj, soengq cijvaiz hawj ranz gwndaenj miz gunnanz haenx. Ndaej daengz ginzung haenhndei.

(Nungz Fungyingh)

Yizcouh: Vwnzyi Roengzmbanj Ginzung Angqyangz

宜州：文艺下乡 乐坏群众

Mboengqneix, Yizcouh Si Vwnzlenz cujciz 30 lai aen yanghcunh yezyiz vwnzyidui 427 boux gyaez vwnzyi haenx bae daengz lajmbanj guh dangj ginzung lusen gyauyuz sizcenj hozdung nem “Siengjmuengh Cungguck • Mbanj Bingzan Vuenyungz” vwnzyi byaujyenj. Ndaej daengz ginzung haenhndei.

(Ciengj Yacunh)

